

## Pitanja i odgovori iz sedme sedmice (16 – 22. mart 2026) objave Poziva za dostavljanje projektnih prijedloga u okviru EU4CAET – Instrumenta za dodjelu grantova – Finansijski aspekt - Poziv br. 1 (EU4CAET Poziv)

### Pitanje 1.

Imamo sljedeća pitanja za javni poziv:

- Ukoliko jedinica lokalne samouprave aplicira s projektom za drugu javnu ustanovu čiji je osnivač (mjere energetske efikasnosti-ugradnja toplotnih pumpi) te spajanje te ustanove na sistem grijanja na biomasu (gradski cjevovod), da li je potrebna izjava o partnerstvu ili samo dokaz da je grad osnivač te ustanove?
- Da li su mjere EE kao što je utopljanje objekta koji posjeduje energetska audit, opravdan trošak ovim projektom, a vezano za istu ustanovu, jer uz spajanje na sistem biomase (gradska toplana) objekt je potrebno utopiti te uvesti sistem energetskeog monitoringa (predmet energetskeog audita), ukoliko ovaj trošak nije opravdan, da li taj trošak može biti ako ga grad sam finansira kao dio cjelokupnog projekta?

### Odgovor 1.

1) Ako općina/grad podnosi prijedlog projekta za investiciju koja će se implementirati na objektu druge javne ustanove (iako je općina/grad osnivač), potrebno je imati pisani sporazum/izjavu kojom se jasno definišu uloge i odgovornosti, posebno ko je krajnji korisnik investicije.

Također, u skladu s uslovima EU4CAET Poziva (sekcija D. Vlasništvo / pravo korištenja), aplikant mora dostaviti dokaze da ima zakonsko pravo realizacije investicije na relevantnom objektu/lokaciji:

- dokaz o vlasništvu, ili
- ako aplikant nije vlasnik, formalnu izjavu vlasnika ili pravno važeći ugovor kojim se potvrđuje pravo korištenja objekta/lokacije za realizaciju projekta. Pravo korištenja mora obuhvatati period u skladu s očekivanim operativnim vijekom investicije (ne kraćim od 5 godina) i osigurati nesmetan pristup za ugradnju, eksploataciju, održavanje i verifikaciju.

Kao dokaz partnerstva (sekcija F. Dokaz o partnerstvu), gdje je primjenjivo, mogu se dostaviti npr. ugovor o saradnji, memorandum o razumijevanju, odluka općinskog vijeća ili drugi pravno važeći dokument kojim se potvrđuje formalno uspostavljeno partnerstvo i ovlaštenje za zajedničku implementaciju projekta.





2) Mjere opće energetske efikasnosti kao što su utopljanje objekta ili uvođenje šireg sistema energetskeg monitoringa ne mogu se podvesti pod EU4CAET projekat i nisu prihvatljivi troškovi u okviru ovog EU4CAET Poziva. EU4CAET Finansijski aspekt sufinansira isključivo troškove koji su direktno povezani s implementacijom jedne od prihvatljivih tehnologija navedenih u EU4CAET Pozivu.

Takve mjere, ako su potrebne ili planirane, moraju se realizovati kao zaseban dio i finansirati iz drugih izvora (uključujući vlastita sredstva općine/grada), uz jasno razgraničenje obuhvata i budžeta.

Napominjemo i da se nabavka opreme i izvođenje radova moraju provesti kroz postupak javne nabavke, u skladu s važećim propisima i pravilima EU4CAET Poziva.



EU4CAET is co-funded by the European Union and the Federal Republic of Germany. GIZ has been commissioned to implement it as part of the CAET programme by the German Federal Ministry for Economic Cooperation and Development. The project supports Bosnia and Herzegovina's energy transition by providing expertise and grant funds for community-led sustainable energy projects.